


Yesux Deeh Kaoh Im



Lukax 24:1-12

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition


Date : September, 2015

Wa Scripture passages are from The Holy Bible in Wa (2012)


Puag Pua Pa Koe Plak Khaix

Pui ceu Yudax lhawp man paing piang pui yum, mai sau daux simeeig. Awm pa koe been pui cu Yudax, paox nyiex paox ma mai paox grawm pui yum an viex sidah bhawng mai ceu pa si-oe baux khankix hoek sau ka pui yum yuh mhai jhi krax moh tix mai krax pa nab yam yung yi tix heue. Simeeig kix awm daux rang pa koe ka praok gawng lua gawng ting kix. Khaix hoik sau tokaux pui yum daux simeeig, kix plu plieh simaox ting nyeep dee laig daux simeeig an heue.


Yesux yum plak pon ngaix bawg loe taix (bawg yam ceu pui Isarilax dim taix). Singaix liah mawh singaix singax singeh, singaix tuah, pui tix kaux kawx ang yuh kaing singaix an. Mawh kheu nan kadaux singaix tix pui ceu Yudax, bon khankix viex sidah bhawng mai ceu pa si-oe baux hu jhak Yesux daux simeeig singaix tuah.



¹ Ka daux aliah singaix ngaix tix, yam bah
riang praix cao cao, kix hoek ka simeeig mai viex
sidah bhawng khankix, pa hoik cox khre kix heue.




² Kix yaox simaox hoik plu plie ti gah
khaing simeeig an mai ³ kix laig ka daux kix ang
lai yaox tokaux yum Simiang Yesux heue.




⁴ Yam daox deng kix ka grawng ceu an, pui
ra kaux cung dex kix pa ceep kraung pa jiet
pruh.

⁵ Yam kix lhat mai num gup ngai tix ka tiex,
kiex ah nin ka kix, “Kheu pex lai sawg Kaw pa
im ju, ka sinax pui yum?




⁶ Nawh ang ot tin, Nawh hoik kaoh heue.



Doh keud ka lox pa hoik krai Nawn Cao ka
pex, yam kawn ot Nawn ka daux meung
Galilie,

7 pa krai grawh grawng tag sang tawx
Kawn kawn pui ka daux tawm taix pui phimap
khankix mai tawk ka piang khaox lhak mai
daux loe singaix tag sang deeh kaoh heue.



⁸ Kix doh keud ka lox Nawh Cao an ⁹ mai deeh khaing simeeig mai krai grawh grawng ceu in khawmuik, ka kix kao tix kaux mai ka pa kawn deuk khawmuik heue. ¹⁰ Kix pa krai grawh grawng ceu in khankix, ka kawncau pa ting khankix, mawh Marix Magadalax mai Yohannax mai Marix miex Yakop mai bun tang kaux khankix pa ot tau mai kix heue.



¹¹ Viang mawh nan kix ang yum rhawm ka lox bun khankix, kheu ce kix mawh lox nieb krai heue. ¹² Viang mawh nan, Petrux kaoh mai to hu ka simeeig an mai nom ti jhak ka daux mai nawh yaox ngie man paing khaing mai nawh daox deng ka grawng ceu pa hoik mawh an mai deeh ing ka nyiex tix heue.

k. Deeh Thawk Theng

1. Bon khankix hu dee mawx pon ngawb singaix tuah? Kix viex pa tix hu?
2. Yam bleeh kix simeeig, kix yaox pa tix?
3. Yam jhak bon khankix daux simeeig kix yaox pa tix?
4. Mawh pui mawx pa lawng krax hoek ka bon khankix?
5. Kawn cau rao ma khankix krai grawng Yesux yuh ka mawx ka bon khankix?
6. Khaix hoik ing khaing simeeig, kix veh ka pui mawx? Kix krai pa tix?
7. Kawn cau khankix yum rhawm ka lox krai bon khankix lie?
8. Kadaux kawn ceu khankix mawh mawx pa to ti hu jhak simeeig? Nawh yaox pa tix?

kh. Krax Pa Doh Rhawm Ka Been

1. Mawh kheu jao pa tix bon khankix viex sidah ceu pa si-oe baux khankix hu simeeig?
2. Kawn cau rao ma ah pa tix son sang doh keud bon an kix ka lox pa hoik ah Yesux?
3. Mawh kheu jao pa tix Yesux deeh kaoh khaing krax yum?
4. Maix keud mawh jao pa tix kawn cau khankix ang yum rhawm lox pa ah bon khankix?

g. Krax Pa Deeh Shiao Daux Ju Tix Khaing Been

1. Pa deeh kaoh im Yesux ting ceu son ex huh ka mawx?
2. Kadaux been in bon khankix jhi krax moh tix huh ka mawx?
3. Maix pon rieb gau pa tix khaing daux been in, son sang shiao ka daux ju maix?

Ng. Ceu Pa Rieb Gau Ex Khaing Been

1. Gum lox pa krai Yesux grawng pa sang yum Nawh mai grawng pa deeh kaoh im Nawh ka kawn cau khankix lih ti mawh awm pa krai Nawh heue.
2. Yesux koe siawp sibrawm piang krax yum mai piang satan.
3. Been in teem ex koe krax yum rhawm, vhah rhawm ka pex tawx Yesux ju leeing ju leeing phan, tix ngaix sax ex tag yaox ti ot mai Nawh leeing ju leeing phan.
4. Maix pon rieb gau ceu pa tix? Koe lox chawk tix ceu ceu lie?

Baux Lai Pa Caw Ti Ci

Lukax 24:6 Nawh ang ot tin, Nawh hoik kaoh heue.